

UPUTSTVA ZA POPUNJAVANJE OBRAZACA ZA IZJAVE O FISKALNOJ PROCJENI

DIO PRVI – UVODNI DIO

- (1) Ovim uputstvima utvrđuje se način popunjavanja izjava o fiskalnoj procjeni na obrascima IFP-DA i IFP-NE.
- (2) U skladu sa članom 3. stav (2) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet, kojim se utvrđuju procedure, oblik, sadržaj i način popunjavanja izjave o fiskalnoj procjeni (u daljem tekstu: Pravilnik), uputstva za popunjavanje obrazaca za izjave o fiskalnoj procjeni su sastavni dio Pravilnika.
- (3) U skladu sa članom 8. Zakona o budžetima u Federaciji Bosne i Hercegovine i članom 1. stav (2) Pravilnika, svaki prednacrt, nacrt, odnosno prijedlog zakona, drugih propisa i akta planiranja (strategije, akcioni planovi, projekti, programi i slično, u daljem tekstu: propisi i akti planiranja) moraju sadržavati fiskalnu procjenu iz koje se mora vidjeti povećavaju li se ili smanjuju prihodi ili rashodi na budžet.
- (4) U skladu sa članom 3. stav (3) Pravilnika izjava o fiskalnoj procjeni daje se na obrascu: IFP-DA ako propisi i akti planiranja imaju posljedice na budžet Federacije, kantona ili jedinica lokalne samouprave na način da je potrebno osigurati dodatna finansijska sredstva.
- (5) U skladu sa članom 3. stav (4) Pravilnika, izjava o fiskalnoj procjeni daje se na obrascu: IFP-NE ako propisi i akti planiranja nemaju posljedice na budžet Federacije, kantona ili jedinica lokalne samouprave na način da nije potrebno osigurati dodatna finansijska sredstva.
- (6) U skladu sa članom 2. stav (2) Pravilnika, izjava o fiskalnoj procjeni se izrađuje na obrascima koji su predmet ovih uputstava prilikom izrade propisa i akata koje Vlada Federacije Bosne i Hercegovine, odnosno vlada kantona (u daljem tekstu: vlada) utvrđuje, donosi, odnosno na koje daje saglasnost, te propisa i akata planiranja koje vlada predlaže Parlamentu Federacije Bosne i Hercegovine, odnosno skupštini kantona.
- (7) Obrasci izjava o fiskalnoj procjeni u aneksu Pravilnika dostupni su u elektronskom obliku na internet stranici Federalnog ministarstva finansija u MS Excel formatu.

DRUGI DIO – NAČIN POPUNJAVANJA OBRAZACA

POGLAVLJE I. POPUNJAVANJE OBRASCA IFP-DA

Odjeljak A. Obradivač propisa ili akta planiranja

U pododjeljku *Razdjel*, unosi se broježani kod i naziv obrađivača prijedloga propisa ili akta planiranja u skladu s organizacionom klasifikacijom budžeta.

Odjeljak B. Osnovni podaci o prijedlogu propisa ili akta planiranja

- (1) Pod *Vrstom propisa/ akta* potrebno je, upisom riječi „DA“ odabrati o kojem se prijedlogu propisu/aktu planiranja radi. Na raspolaganju su sljedeći propisi: zakoni, uredbe, odluke, pravilnici i drugi propisi i akti planiranja: projekti, planovi, programi, strategije i slično.
- (2) U pododjeljku *Naziv propisa/akta* planiranja unosi se naziv koji će propis ili akt planiranja imati nakon stupanja na snagu. Pored naziva stavlja se crtica i oznaka statusa propisa koji se dostavlja na mišljenje (na primjer: prednacrt, nacrt ili prijedlog).

Odjeljak C. Fiskalni efekti

Ovaj odjeljak sadrži fiskalnu procjenu posljedica provođenja predloženog propisa/akta planiranja na budžet. Prilikom izrade prijedloga propisa/akta planiranja obrađivač je dužan uzeti u obzir sredstva koja su osigurana budžetom koje je donio Parlament Federacije Bosne i Hercegovine, odnosno skupština kantona, a koja su raspoređena po budžetskim klasifikacijama.

1. Prihodi i primici

- (1) Navode se prihodi i primici na koje utječe provođenje predloženog propisa ili akta planiranja, slijedeći ekonomsku klasifikaciju i izvore finansiranja.
- (2) Povećanje ili smanjenje se u svim kolonama iskazuje broježano s tim da se za očekivano smanjenje upisuje predznak „-“ minus.
- (3) **Prva, druga i treća kolona - Očekivane prihode i primitke u tekućoj godini** potrebno je razraditi na izvore finansiranja *Budžet, Namjenski izvori i Ostali izvori*. U ove kolone unosi se procjena očekivanog povećanja/smanjenja prihoda i primitaka koji će se ostvariti u tekućoj godini provođenjem predloženog propisa/akta planiranja, a u odnosu na postojeće stanje, odnosno prihode i primitke koji su već predviđeni u budžetu.
- (4) Ukoliko se radi o potpuno novom propisu/aktu planiranja kojim se uvodi novi prihod ili primitak, u prvu, drugu i treću kolonu upisuje se ukupna procjena očekivanih prihoda ili primitaka u tekućoj godini. Ukoliko se radi o izmjenama i dopunama postojećeg propisa/akta planiranja čijim su dosadašnjim provođenjem u budžetu već planirani i

ostvareni određeni prihodi i primici, a izmjenama i dopunama se povećava ili smanjuje osnovica i/ili broj obveznika plaćanja, u ove kolone se upisuje procjena povećanja ili smanjenja prihoda i primitaka kao rezultat predloženih izmjena i dopuna (bez prihoda i primitaka koji se planiraju ostvariti na osnovu postojećeg propisa/akta planiranja).

- (5) Procjenu očekivanog povećanja/smanjenja prihoda i primitaka potrebno je iskazati po ekonomskoj klasifikaciji i po izvorima finansiranja.
- (6) Vrste izvora finansiranja su: *budžet*, *namjenski izvori* i *ostali izvori* koji uključuju vlastite prihode i budžetske rezerve.
- (7) Prihodi koji ulaze u namjenske i ostale izvore raspoloživi su ministarstvima i budžetskim korisnicima u visini njihove uplate, odnosno naplate na račun.
- (8) **Četvrta kolona *Ukupni dodatni prihodi i primici*** predstavlja zbir očekivanog povećanja/smanjenja prihoda i primitaka koji će se ostvariti na osnovu provođenja predloženog propisa/akta planiranja u tekućoj godini iz tri izvora finansiranja 1. *budžet*, 2. *namjenski izvori* i 3. *ostali izvori*. Popunjava se automatski unosom podataka u prve tri kolone.
- (9) **Peta kolona *Plan prihoda i primitaka u tekućem budžetu*** daje prikaz već planiranih prihoda i primitaka iskazanih u budžetu tekuće godine za provođenje predloženog propisa/akta planiranja.
- (10) U **šestu kolonu *Ukupni prihodi i primici nakon provođenja*** unosi se zbir planiranih povećanja/smanjenja na osnovu provođenja predloženog propisa/akta planiranja iskazanih u budžetu u tekućoj godini (označenih u petoj koloni), te prihoda i primitaka planiranih u budžetu tekuće godine na osnovu provođenja predloženog propisa/akta planiranja (iskazanih u četvrtoj koloni).
- (11) U **sedmu, osmu i devetu kolonu - *Očekivani prihodi i primici u tekućoj godini n+1 (Budžet, Namjenski izvori i Ostali izvori)*** unosi se procjena očekivanog povećanja/smanjenja prihoda i primitaka koji će nastati u godini n+1 provođenjem predloženog propisa/akta planiranja, a u odnosu na postojeće stanje, odnosno prihode i primitke koji su već predviđeni u budžetu tekuće godine (n). Procjenu očekivanog povećanja/smanjenja prihoda i primitaka je i ovdje potrebno razraditi na izvore 1. *budžet*, 2. *namjenski izvori* i 3. *ostali izvori*. Ako provođenje predloženog propisa/akta planiranja neće rezultirati povećanjem/smanjenjem prihoda i primitaka u godini n+1 u odnosu na plan prihoda i primitaka u budžetu tekuće godine (n), u ovim kolonama iskazuje se „0“. Ako je očekivano povećanje/smanjenje prihoda i primitaka u godini n+1 identično procjeni očekivanog povećanja/smanjenja prihoda u godini n, u ovim kolonama iskazuju se isti iznosi kao u prvoj, drugoj i trećoj koloni.
- (12) **Deseta kolona *Ukupni dodatni prihodi i primici*** predstavlja zbir očekivanog povećanja/smanjenja prihoda i primitaka koji će se ostvariti na osnovu provođenja predloženog propisa/akta planiranja u godini n+1 iz tri izvora finansiranja 1. *budžet*, 2. *namjenski izvori* i 3. *ostali izvori*. Popunjava se automatski unosom podataka u sedmu, osmu i devetu kolonu.

- (13) **Jedanaesta kolona *Plan prihoda i primitaka u tekućem budžetu n+1*** daje prikaz prihoda i primitaka već planiranih u budžetu godine n+1 za provođenje predloženog propisa/akta planiranja.
- (14) **U dvanaestu kolonu *Ukupni prihodi i primici nakon provođenja*** unosi se zbir procjene očekivanog povećanja/smanjenja prihoda i primitaka koji će se ostvariti na osnovu provođenja predloženog propisa/akta planiranja u godini n+1 (iskazanih u jedanaestoj koloni) te prihoda i primitaka već projiciranih u budžetu godine n+1 na osnovu provođenja predloženog propisa/akta planiranja (iskazanih u desetoj koloni).
- (15) **U trinaestu, četrnaestu i petnaestu kolonu - *Očekivani prihodi i primici u tekućoj godini n+2*** unosi se procjena očekivanog povećanja/smanjenja prihoda i primitaka koji će nastati u godini n+2 provođenjem predloženog propisa/akta planiranja, a u odnosu na postojeće stanje, odnosno prihode i primitke koji su već predviđeni u budžetu tekuće godine (n). Procjenu očekivanog povećanja/smanjenja prihoda i primitaka je i ovdje potrebno razraditi na izvore 1. *budžet*, 2. *namjenski izvori* i 3. *ostali izvori*. Ako provođenje predloženog propisa/akta planiranja neće rezultirati povećanjem/smanjenjem prihoda i primitaka u godini n+2 u odnosu na plan prihoda i primitaka u budžetu tekuće godine (n), u ovim kolonama iskazuje se „0“.
- (16) **Šesnaesta kolona *Ukupni dodatni prihodi i primici*** predstavlja zbir očekivanog povećanja/smanjenja prihoda i primitaka koji će se ostvariti na osnovu provođenja predloženog propisa/akta planiranja u godini n+2 iz tri izvora finansiranja 1. *budžet*, 2. *namjenski izvori* i 3. *ostali izvori*. Popunjava se automatski unosom podataka u trinaestu, četrnaestu i petnaestu kolonu.
- (17) **Sedamnaesta kolona *Plan prihoda i primitaka u tekućem budžetu n+2*** daje prikaz prihoda i primitaka već projiciranih u budžetu godine n+2 za provođenje predloženog propisa/akta planiranja.
- (18) **Osamnaesta kolona *Ukupni prihodi i primici nakon provođenja*** unosi se zbir procjene očekivanog povećanja/smanjenja prihoda i primitaka koji će se ostvariti na osnovu provođenja predloženog propisa/akta planiranja u godini n+2 (iskazanih u sedamnaestoj koloni) te prihoda i primitaka projiciranih u budžetu godine n+2 na osnovu provođenja predloženog propisa/akta planiranja (iskazanih u šesnaestom stupcu).

2. **Rashodi i izdaci**

- (1) Navode se rashodi i izdaci potrebni za provođenje predloženog propisa/akta planiranja, slijedeći ekonomsku klasifikaciju i izvore finansiranja. Očekivano povećanje/smanjenje se u svim kolonama iskazuje broičano s tim da se za očekivano smanjenje upisuje predznak „-“ minus.
- (2) U **prvu, drugu i treću kolonu - *Troškovi provođenja u tekućoj godini n (Budžet, Namjenski izvori i Ostali izvori)*** unosi se procjena očekivanog povećanja/smanjenja rashoda i izdataka koji će nastati u tekućoj godini provođenjem predloženog propisa/akta planiranja, a u odnosu na postojeće stanje, odnosno rashode i izdatke koji su već predviđeni u budžetu. Ukoliko se radi o izmjenama i dopunama postojećeg propisa/akta planiranja kada su za provođenje tog postojećeg propisa/akta planiranja u budžetu već planirani i izvršeni određeni rashodi i izdaci, u ove se kolone upisuje

procjena povećanja ili smanjenja rashoda i izdataka kao rezultat predloženih izmjena i dopuna (bez rashoda i izdataka koji su posljedica provođenja postojećeg propisa/akta planiranja).

- (3) Procjenu očekivanog povećanja/smanjenja rashoda i izdataka potrebno je iskazati po ekonomskoj klasifikaciji i klasifikaciji po izvorima finansiranja.
- (4) Procijenjene rashode i izdatke je potrebno u Obrascu povezati s izvorima iz kojih će se finansirati, a na raspolaganju su: 1. *budžet*, 2. *namjenski izvori* i 3. *ostali izvori*.
- (5) **Četvrta kolona *Ukupno dodatna sredstva*** predstavlja zbir očekivanog povećanja/smanjenja rashoda i izdataka koji će nastati provođenjem predloženog propisa/akta planiranja u tekućoj godini, a finansirat će se iz tri izvora 1. *budžet*, 2. *namjenski izvori* i 3. *ostali izvori*. Popunjava se automatski unosom podataka u prve tri kolone.
- (6) **Peta kolona *Planirana sredstva unutar budžeta u tekućoj godini n*** daje prikaz već planiranih rashoda i izdataka iskazanih u budžetu tekuće godine za potrebe provođenja predloženog propisa/akta planiranja.
- (7) **U šestu kolonu *Ukupna potrebna sredstva za provođenje*** unosi se zbir rashoda i izdataka planiranih u budžetu tekuće godine za provođenje predloženog propisa/akta planiranja (iskazanih u petoj koloni), te očekivanog povećanja/smanjenja rashoda i izdataka koji će nastati provođenjem predloženog propisa/akta planiranja u tekućoj godini, a finansirat će se iz tri izvora 1. *budžet*, 2. *namjenski izvori* i 3. *ostali izvori* (iskazanog u četvrtoj koloni).
- (8) **U sedmu kolonu *Preraspodjela*** unosi se iznos nedostajućih sredstava i to kao prijedlog za preraspodjelu s drugih stavaka budžeta obrađivača ako sredstva odobrena unutar budžeta za tekuću godinu nisu dostatna za provođenje novopredloženog propisa/akta planiranja. Iznos sredstava koji se predlaže da se preraspodijeli unosi se na grupu računa ekonomske klasifikacije s koje će se preraspodijeliti na novu. Dakle, ako su odobrena sredstva (kolona pet) manja od ukupnog troška provođenja (kolona četiri) u ovoj koloni je potrebno prikazati može li se i kako osigurati ta ukupna razlika.
- (9) **U osmu, devetu i desetu kolonu - *Troškovi provođenja u tekućoj godini n+1 (Budžet, Namjenski izvori i Ostali izvori)*** unosi se procjena očekivanog povećanja/smanjenja rashoda i izdataka koji će nastati u godini n+1 provođenjem predloženog propisa/akta planiranja, a u odnosu na postojeće stanje, odnosno rashode i izdatke koji su već predviđeni u budžetu tekuće godine n. Ukoliko se radi o potpuno novom propisu/aktu planiranja koji po prvi put iziskuje određene troškove provođenja, u ove kolone se upisuju ukupni rashodi i izdaci provođenja tog propisa/akta planiranja u godini n+1. Ukoliko se radi o izmjenama i dopunama postojećeg propisa/akta planiranja čijim dosadašnjim provođenjem su u budžetu već planirani i izvršeni određeni rashodi i izdaci, u ove kolone se upisuje procjena povećanja ili smanjenja rashoda i izdataka kao rezultat predloženih izmjena i dopuna koji će nastati u godini n+1 provođenjem predloženog propisa/akta planiranja (bez rashoda i izdataka koji su posljedica provođenja postojećeg propisa/akta planiranja). Isti je pristup i u slučaju kada se odnosi novi propis.

- (10) Ako provođenje predloženog propisa/akta planiranja neće rezultirati povećanjem/smanjenjem rashoda i izdataka u godini n+1 u odnosu na plan rashoda i izdataka u budžetu tekuće godine (n), u ovim kolonama iskazuje se „0“. Ako je očekivano povećanje/smanjenje rashoda i izdataka u godini n+1 identično procjeni očekivanog povećanja/smanjenja rashoda i izdataka u godini n, u ovim kolonama iskazuje se isti iznosi kao iskazani u prvoj, drugoj i trećoj koloni.
- (11) Procjenu očekivanog povećanja/smanjenja rashoda i izdataka u godini n+1 potrebno je iskazati po ekonomskoj klasifikaciji i klasifikaciji po izvorima finansiranja.
- (12) **Jedanaesta kolona *Ukupno dodatna sredstva*** predstavlja zbir očekivanog povećanja/smanjenja rashoda i izdataka koji će nastati provođenjem predloženog propisa/akta planiranja u godini n+1, a finansirat će se iz tri izvora 1. *budžet*, 2. *namjenski izvori* i 3. *ostali izvori*. Popunjava se automatski unosom podataka u osmu, devetu i desetu kolonu.
- (13) **Dvanaesta kolona *Planirana sredstva unutar budžeta u tekućoj godini n+1*** daje prikaz rashoda i izdataka već unaprijed planiranih u budžetu godine n+1 za provođenje predloženog propisa/akta planiranja.
- (14) **U trinaestu kolonu *Ukupna potrebna sredstva za provođenje*** unosi se zbir rashoda i izdataka projiciranih u budžetu za godinu n+1 na osnovu provođenja predloženog propisa/akta planiranja (iskazanih u dvanaestoj koloni) te očekivanog povećanja/smanjenja rashoda i izdataka koji će nastati provođenjem predloženog propisa/akta planiranja u godini n+1, a finansirat će se iz tri izvora 1. *budžet*, 2. *namjenski izvori* i 3. *ostali izvori* (iskazanog u jedanaestoj koloni).
- (15) **U četrnaestu, petnaestu i šesnaestu kolonu *Troškovi provođenja u tekućoj godini n+2 (Budžet, Namjenski izvori i Ostali izvori)*** unosi se procjena očekivanog povećanja/smanjenja rashoda i izdataka koji će nastati u godini n+2 provođenjem predloženog propisa/akta planiranja, a u odnosu na postojeće stanje, odnosno rashode i izdatke koji su već predviđeni u budžetu tekuće godine n. Primjenjuje se isti pristup kao i za popunjavanje dijela obrasca koji se odnosi na godinu n+1, s tim da se procjenjuju rashodi i izdaci za godinu n+2.
- (16) **Sedamnaesta kolona *Ukupno dodatna sredstva*** predstavlja zbir očekivanog povećanja/smanjenja rashoda i izdataka koji će nastati provođenjem predloženog propisa/akta planiranja u godini n+2, a finansirat će se iz tri izvora 1. *budžet*, 2. *namjenski izvori* i 3. *ostali izvori*. Popunjava se automatski unosom podataka u kolone četrnaest, petnaest i šesnaest.
- (17) **Osamnaesta kolona *Planirana sredstva unutar budžeta u tekućoj godini n+2*** daje prikaz rashoda i izdataka već planiranih u budžetu za godinu n+2 za provođenje predloženog propisa/akta planiranja. Primjenjuje se isti pristup kao i za popunjavanje dijela obrasca koji se odnosi na godinu n+1, s tim da se procjenjuju rashodi i izdaci za godinu n+2.
- (18) **U devetnaestu kolonu *Ukupna potrebna sredstva za provođenje*** unosi se zbir rashoda i izdataka projiciranih u budžetu za godinu n+2 na osnovu provođenja predloženog propisa/akta planiranja (iskazanih u osamnaestoj koloni) te očekivanog

povećanja/smanjenja rashoda i izdataka koji će nastati provođenjem predloženog propisa/akta planiranja u godini n+2, a finansirat će se iz tri izvora 1. *budžet*, 2. *namjenski izvori* i 3. *ostali izvori* (iskazanog u sedamnaestoj koloni).

3. Obrazloženje promjena u prihodima i primicima i rashodima i izdacima

- (1) Navodi se obrazloženje prethodno kvantificiranih promjena. Za iznose sredstava po pojedinim grupama računa ekonomske klasifikacije potrebno je objasniti u koju će se svrhu utrošiti (za rashode i izdatke), odnosno uslijed čega će nastati (za prihode i primitke),
- (2) U ovom dijelu daje se i prikaz pretpostavki i ulaznih podataka korištenih za ukupnu procjenu prihoda i primitaka, a posebno rashoda i izdataka provođenja predloženog propisa/akta planiranja. To su elementi poput promjene broja zaposlenih, broja korisnika novčane naknade/subvencije/transfera ili iznosa iste, IT usluga, zakupa poslovnog prostora, prijevoznih sredstava, naknada za rad članovima komisija, vijeća, implikacije na ravnopravnost spolova i postizanje ciljeva u toj oblasti, i slično.

Odjeljak D. Stanje u oblasti ljudskih resursa i potencijalne obaveze

1. Promjene u broju zaposlenih

- (1) U ovom dijelu Obrasca daje se detaljan prikaz promjene broja sljedećih kategorija zaposlenih: rukovodeći službenici i savjetnici, službenici i namještenici i volonteri kao rezultata provođenja predloženog propisa/akta planiranja.
- (2) Navedene kategorije zaposlenih brojčano su prikazane po sljedećim periodima planiranja i to za:
 - sistematizovana radna mjesta,
 - radna mjesta planirana budžetom,
 - trenutno popunjena radna mjesta i
 - potrebna radna mjesta.
- (3) U **kolonama** koje označavaju postojeće stanje upisuje se postojeći broj sistematizovanih, planiranih budžetom, trenutno zaposlenih i potrebnih zaposlenih.
- (4) U **kolone** koje označavaju n+1 i n+2 upisuje se očekivano povećanje/smanjenje broja sistematizovanih, planiranih budžetom, trenutno zaposlenih i potrebnih zaposlenih.
- (5) U dijelu **Obrazloženja promjena u broju zaposlenih** objašnjavaju se razlozi povećanja ili smanjenja broja zaposlenih, a posebno ako u odnosu na postojeće stanje dolazi do povećanja ili smanjenja broja zaposlenih u godini n+1 ili n+2.

2. Potencijalne obaveze za budžet

Ispunjava se ukoliko zbog provođenja predloženog propisa/akta planiranja postoji mogućnost nastanka obaveze za budžet. Potencijalne obaveze podijeljene su na Garancije i Ostalo (akreditivi, kreditne linije, dugovanja na osnovu odštetnih zahtjeva i neriješenih sporova po sklopljenim ugovorima).

Odjeljak E. Fiskalne posljedice na druge budžete i nivoe vlasti

- (1) Ako provođenje predloženog propisa/akta planiranja ima fiskalne posljedice na druge budžetske i vanbudžetske korisnike i vanbudžetske fondove na istom ili drugom nivou vlasti obrađivač ih je dužan procijeniti i opisati.

Odjeljak F. Pečat i potpis odgovornog lica

Izjavu potpisuje ministar koji svojim potpisom jamči vjerodostojnost procjene. Izjava se ovjerava pečatom, uz naznaku mjesta i datuma ovjeravanja.

POGLAVLJE II. POPUNJAVANJE OBRASCA IFP-NE

Odjeljak A. Obradivač propisa ili akta planiranja

U polje *Razdjel/glava* unosi se brojčani kod i naziv obrađivača u skladu sa organizacionom klasifikacijom budžeta.

Odjeljak B. Osnovni podaci o prijedlogu propisa ili akta planiranja

- (1) Pod *Vrstom propisa/akta* planiranja potrebno je, upisom riječi „DA“ odabrati o kojem se prijedlogu propisu/aktu planiranja radi. Na raspolaganju su sljedeći propisi: zakoni, uredbе, odluke, pravilnici i drugi propisi i akti planiranja: projekti, planovi, programi, strategije i slično.
- (2) U pododjeljku *Naziv propisa/akta* planiranja unosi se naziv koji će propis ili akt planiranja imati nakon stupanja na snagu. Pored naziva stavlja se crtica i oznaka statusa propisa koji se dostavlja na mišljenje (na primjer: prednacrt, nacrt ili prijedlog).

Odjeljak C. Izjava o nepostojanju dodatnih fiskalnih efekata na budžet

Ako prijedlog propisa/akta planiranja nema nikakav fiskalnu posljedicu na budžet, kao niti na druge budžete i nivoe vlasti, vanbudžetske korisnike i fondove obrađivač u ovom dijelu Obrasca jasno i nedvosmisleno navodi da prihvatanje, odnosno provođenje prijedloga propisa/akta planiranja nema i neće rezultirati fiskalnim učinkom. *Isključivo nomotehničke izmjene i dopune postojećeg propisa primjer su propisa koji ne stvara fiskalne posljedice na budžete.*

Odjeljak D. Pečat i potpis odgovornog lica

Izjavu potpisuje ministar koji svojim potpisom jamči vjerodostojnost procjene. Izjava se ovjerava pečatom, uz naznaku mjesta i datuma ovjeravanja.